

# Nzia yi Laisi ya Ngai ya Utangiio I Yoana

## Uelesyo

**Mbivilia niyieleetye kwa utheu kana nutonya kumanya nesa vate nzika kana yila wikwa ukathi ituni. Ikulyo ni yii; niwitikilaa kila Ngai uneenete ndetoni yake?**

I Yoana 5:13 Maundu asu namuandikia, ni kana mumanye mwina thayu wa tene na tene, inywi ala mwtikilaa syitwa ya mwana wa Ngai.

## 1. Ithyoonthe twi ene nai.

**Ti vinya kwitu kwitikila kana ithyoonthe nitweekie maundu ala twisi nimathuku, na ingi notumekaa. Isu niyo yitawa nai, ithyoonthe twina nai kuma ila twasyaiwe.**

I Yoana 1:8 Ethiwa twiasya tuina nai, nitukwikenga ene, na ula w'o ndwi nthini waitu.

I Yoana 5:16-17 Ethiwa mundu eona mwana-a-ithe aiika nai ite ya uvikia kikw'u, navoye, na Ngai akamunenga thayu o na ala mekwika nai ite ya uvikia kikw'u: na ndikwasya navoye kwondu wa isu. <sup>17</sup>Undu w'onthe ute ulungalu ni nai: na kwi nai ite ya uvikia kikw'u.

I Yoana 3:6 O mundu ula utwie nthini wake ndekaa nai: ula wikaa naindaamwona, o na ndamwisi.



**Ithyoonthe twi ene nai!**

## 2. Ve thooa wa nai!

I Yoana 5:19 Nitwisi kana twi ma Ngai, na nthi yonthe itwie nthini wa ula muthuku.

I Yoana 5:12 Ula wina mwana ena thayu usu; na ula ute na mwana wa Ngai ndena thayu usu.

I Yoana 3:15 O mundu ula umenaa mwan-a-ithe ni muaani: nenyu nimwisi kana vai muaani win a thayu utathela utwie nthini wake.

Uvuanyo 20:12-15

12 Na noona akwu anene na anini maungeme mbee wa kivila kyu kyeu: na mavuku mavuanwa na ivuku yingi yavuanwa, nayo ni ivuku ya thayu: na ala akwu masililwa na maundu ala maandikitwe mavukuni asu kwianana na meko moo.

13 Na ukanga waumya akwu ala mai nthini waw'o; na kikw'u na vandu vala maveva ma ala akw'u mekalaa syaumwa akw'u ala mai nthini wasyo na masililye kila mundu kianana na meko make.

14 Na akw'u na vala maveva ma ala akw'u mekalaa syekwa iiani ya mwaki.

15 Na ethiwa mundu ona wiva alea kwoneka aandikitwe ivukuni ya thayu, niwekiw'e iiani ya mwaki.

### **3. Yesu niwakwie na aiva thii wa nai situ ngelany'oni!**

I Yoana 4:10 Uu niw'o wendo, ti iithyi twamwendie Ngai, indi niwe watwendie ithyi, na atuma mwana wake ethiwe nthembo ya wivanithyo kwondu wa nai situ.



**Yesu niwakwie kwondu wa ene nai!**

I Yoana 4:2-3 Unduni uu nimuumanya veva wa Ngai: kila veva wumbulaa kana Yesu Klisto niwookie ena mwii ni wa Ngai: na kila veva utaumbulaa Yesu, ti wa Ngai: na usu niw'o veva wa ila nthu ya Klisto, undu mweewie kana ukooka; o nay u wi kuu nthi.

I Yoana 5:11 Na ukusi niw'o uu, kana Ngai niwatunengie thayu wa tene na tene, na thayu usu wi nthini wa mwana wake.

### **4. Twaile kwelekelya muikiio witu na kumuikiia Klisto eweka!**

I Yoana 5:14-15 Na uu niw'o unyiau ula twinawo vala ui, ethiwa tukavoya undu kwianana na kwenda kwake, nutwiw'aa: na ethiwa nitwisi kana nutwiw'aa o undu tuuvoya, nitwisi kana maundu ala twavoya twi namo.

Alomi 10:9-10, 13 “Nikwithiwa ethiwa ukamumbula Yesu na kanyw'a waku kana niwe Mwiaii, na ukeetikila ngooni yaku kana Ngai niwamuthayuukisye kumumya akwuni, ukatangiiwa. Nundu mundu niwitikilaa na ngoo kuvikia ulungalu; na niwumbulaa na kanywa kuvikia utangiio nundu, O ula ukekaila syitwa ya Mwiaii akatangiiwa.

*Ethiwa nukwenda kumwitikila YesuKlisto ta Mutangii waku na kwosa uekeo wa nai kuma kwa Ngai, voya mboya ino. Kuvoya mboya ino kana mboya ingi ona yiva ndiutangii. Indi no kwa kumuikiia Yesu Klisto kula kutonya ukunenga uekeo wa nai. Mboya ino ni ya kwony'a Ngai muikiio waku na kumutungia muvea kwoondu wa ukunenga uekeo wa nai.*

**“Mwiaii,**

**Ninisi kana ni mwene nai. Ninisi kana ninailwe ni usililo wa nai syakwa. Ona kau ningumuikiia Yesu Klisto ta mutangii wakwa. Ninguikiia kana kikw'u kyake na kuthayuukwa kwake nikwanengie uekeo wa nai. Ningumwitikila Yesu na Yesu e weka ta Mwiaii na Mutangii wakwa. Ni muvea Mwiaii, nundu wa kundangii na kundekea nai syakwa! Amen!”**

**Ethiwa niwavoya mboya isu – kuatiania na ndeto ya Ngai – NIWATANGIWA!! ALELUYA!!**

Nutonya kwasya, mbona ndikwiwa kivathukany'o. Wiona ata? Utangiiio waku nduutengemea miwile yaku. Indi WONTHE witengemea kwika undu Ngai UKWASYA.

Ngai aisye ethiwa nuumwosa na kumuikiia Yesu Klisto niwatangiiwa. Sisya vaa vai kwasya “nutonya” kana “nivatonyeka” ukatangiiwa – indi veasya “ukatangiiwa” WI MUTANGIIE!!

O ula ukekaila syitwa ya Mwiaii akatangiiwa. Alomi 10:13

Nuumuikiia Mwai Yesu Klisto? Sisya undu Yoana 3:36 vekwasya, veasya WINA THAYU WA TENE NA TENE!! Ti “Nivatonyeka” kana “Niikwatya ou” – INDI ENA – WIMUTANGIIE!!

Ula umwitikilaa u Mwana ENA THAYU UTATHELA: Indi ula utamwitikilaa u Mwana ndakona thayu; indi uthatu wa Ngai wikalaa iulu wake. Yoana 3:36

Munyanyawa ethiwa niwavoya mboya isu na wamwosa Yesu Klisto – WIMUTANGIIE!! Na niweeka undu Ngai waitye – NA NGAI NDATONYA KUNEENA UVUNGU.

Nthini wa wikwatyo wa thayu utathela, ula Ngai wathie mbee wa mavinda ma tene tene, nake ndatonya kuneena uvungu. Tito 1:2